



Inatsisartunut ilaasortaq,
Mariia Simonsen,
Inuit Ataqtigiit
Maani/

§ 37 naapertorlugu apeqqutip nr. 2023-53-p akineqarnera

Asasara Mariia Simonsen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngortinneqarsimasut qujassutigaaqka. Apeqqutit uteqqinneqarput ataanilu akineqarlutik.

1. Cannabis CBD olie 0.2%-mik THC-ertalik illoqarfinni nunaqarfinnilu piniarfinni pisiarinqarsinnaalereerpa?

1-mut) Maannakkut illoqarfinni nunaqarfinniluunniit piniarfinni cannabissimik CBD-oliek 0,2% THC ataallugu imalimmik atuisartunik pisisinnaasoqarsinnaassanngilaq. Tamanna pissuteqarpoq, suliffeqarfiit Kalaallit Nunaannut 0,2% THC ataallugu cannabissimik nioqqutissianik eqqusserusuttut Nunatsinni Nakorsaaneqarfimmit tassunga akuersissummik qinnuteqartussaammata. Kalaallit Nunaannut 0,2% THC ataallugu cannabissimik nioqqutissianik eqqussinissamut Nunatsinni Nakorsaaneqarfimmit akuersissummik pigunik, nioqqutissianik taakkunannga nioqquteqarnissamut periarfissaqarput. Maannakkut Kalaallit Nunaanni suliffeqarfik ataasiinnaq 0,2% THC ataallugu cannabissimik nioqqutissianik eqqussinissamut Nunatsinni Nakorsaaneqarfimmit akuersissummik qinnuteqarpoq, qinnuteqaallu maannakkut suliarineqarpoq.

1.A Aappiuppat; Niuertarfinni sorlarni pisiarinqarsinnaappat?

1.A-mut) Apeqqut 1-mut akissuteqaat innersuunneqarpoq.

1.B Niuertarfiit sulluunnit niuersinnaatitaappat?

1.B-mut) Aap, nioqqutissiap inatsisit malillugit nunamut eqqunneqarsimanissaa tunngavigalugu. Suliffeqarfiit cannabissimik nioqqutissianik 0,2% THC ataallugu imalimmik nioqquteqarnissamut akuersissummik qinnuteqassanngillat. Suliffeqarfik sunaluunniit, akiliisinnaajunnaartutut suliarineqanngitsoq aamma Qitiusumik Suliffeqarfinnik Nalunaarsuiffimmi (CVR) normumik atuuttumik pigisaqartoq 0,2% THC ataallugu cannabissimik nioqqutissianik eqqussinissamut akuersissummik qinnuteqarnissamut periarfissaqarpoq. Kalaallit Nunaannut eqqussereernermi 0,2% THC ataallugu cannabissimik nioqqutissianik nioqquteqarnissamut immikkut akuersissummik suliffeqarfik qinnuteqassanngilaq.

14-03-2023
Suliap normua 2023 - 5060
All. nr. 22696082

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1.C Naamiuppat; sumik peqquteqarpa suli pisiarineqarsinnaalersimanninnerannut?

1.C-mut) Apeqqummut 1 B-mut akissutigineqartoq innersuussutigineqarpoq.

- 2. Cannabisimik CBD olie 0.2%-mik THC-ertalimmik nioqquteqartalerusuttut tamakkuninnga niuerniarnissamut akuersissummik qinnuteqaqqaartariaqarpat?**

Ad 2-mut) Naamik. Apeqqu 1.B.-mut akissutigineqartut innersuussutigineqassapputtaaq.


2.A Aappiuppat taava sumut qinnuteqassappat aamma qanoq?

2.A-mut)

- 3. Tassunga tunngasumik Naalackersuisut allamik oqaasissaqarnerpat?**

3-mut.) Oqaatigineqassaaq, 0,2% THC ataallugu cannabissimik nioqqutissiat eqqunneqartarneri pillugit suliffeqarfinnut paasissutissanik perusuttunut Nunatsinni Nakorsaaneqarfik ilitsersuutinik atortussanillu arlalinnik saqqummersitsinikummat. Ilitsersuutit, atortussat aamma qinnuteqarnissamut immersugassat nunatta nakorsaaneqarfiata [nittartagaani pissarisiarneqarsinnaapput](#).

Inussiarnersumik inuulluaqqusillunga



Mimi Karlsen

Meeqqanut, Inuusuttunut, Ilaqtariinnut Peqqissutsimullu Naalackersuisoq